

高陽縣志敘

予家自相州來占籍一再世輒稱殷厚先曾大父柱國僉踐更之徭種種一司租即代逋者輸累數百金先大父柱國更備諸苦累嘗供司訓遭他故費可千

高陽縣志

序

一

餘金至往旋河洛間數千里先柱國少博學強記遂廢業以當戶嘉靖癸丑歲大饑族里流徙其不徙者方仰給先柱國更以殷厚僉直年而又代族人為直家半落踰歲更以鋪戶直堂費



家盡落直年者直是年經過諸
貴人供張費其以舖戶直堂則
專供邑令公心紅筆扎及一切
雜幣水陸之錯當直年不必身
自為應而家常募十餘便捷人
待事至直單催單司庖司器索

如例而後所供張稱善蓋貴人
費什而凌雜費什九其所奏用
數什不敢登二三而嘗刪其半
其所需不敢問值必備其所不
需即備而為人持去或敗壞必
不敢稱備蓋是時法令未即畫

一而當事得以意令其所蕩析
民產不獨予家而家先柱國為
甚洎先職方兄與予後先舉于
鄉先柱國日為廉訓而證以所
經見諸令公善敗嘗曰邑令公
墨何以去邑人墨何以來孺子

其鑑諸蓋痛心于不造而每于
邑里所不便輒令講求其法予
因得稍輯後先行事而合以所
經見可興可除就里中更老講
說其便每遭諸廉吏能吏輒訪
其所為時或跨款段歷鄉社一

丘一壑一石一木罔不低回錄
列當弱冠閱廿一史則手錄邑
里事為帙雅好閱名州邑乘載
及唐宋金元諸南北人私集得
邑里舊人舊事如遇故人于途
而刺刺道故也時期以仰副先

柱國明訓曰他日治一隅庶其
以痛為療已乃披釋藏得名僧
八而道簡披其半解薛登朝亦
復于羣書有摺黠稍稍為帙而
未敢出甲子春兒鈐偶攜入遼
寧從金戈匆空中芟訂攜之歸

而唐令公遂授之梓因念邑為
八才舊里其明允篤誠實開儒
宗予何敢薄望邑里而不以才
勗邑延袤不百里吏土者務廣
衆則不來即來不久輒弃去故
法無常而邑為罷劇不可起其

俗亦緣以壞蓋嗇漸為侈樸漸
為囂田若墾而賦或逋戶若增
而口或寡詬租之吏澹災之使
嘗交錯于邑而邑病然侈不當
他嗇而邑已為侈囂不當他樸
而邑已為囂至吏饒伺上意時

中公庾時中私橐故交相為瘡
而邑更病吏土者如牘中所稱
諸令公徃徃嚴之法以挽其所
可見裁之禮以挽其所不可見
而病乃可療武陵唐令公視予
邑廉公有威悉力拊循而意在

爬梳舊蠱康我良弱故為清吏
蝨捕逋盜戢表羣諸徭賦種種
觀若畫一而力能使河伯安流
無羨賦遂無逋賦無曠人遂無
逋人蓋裊身冰玉中不藉于邑
故邑即彈丸而肯安于邑以終

惠吾罷劇予所私愧不能以數
十年錄記治一隅以仰副先柱
國明訓而令公約邑于才既嚴
之法載裁之禮猶若不忘披此
牘也予願後之治予邑者無忘
令公意迺無忘吾人而此牘直
甌覆耳


高陽縣志

序

七

天啓四年歲在甲子仲秋望日
賜進士及第光祿大夫柱國少
傅兼太子太師兵部尚書兼文
淵閣大學士知經筵日講
制誥總裁國史督理軍務

邑人孫承宗題于一片石孤松亭左肱下



高陽縣志叙

夫地以人重人以地重兩相為重以
從來矣自頃

少傅孫公秉鉤平章折衝
毒縣寓內識不識稱半千名世

志序

無不為高陽首指屈之而在少傅
公所著高陽志若干卷授梓於
邑今唐侯廣其傳春因得受而
卒業竊嘆公以燕許名家吐吞
遷固自省卿雲開祥已然招不

新以三長緒餘旬鳳樓手於一
斑難先自弱對閱史迄於木天
燃藜注意邑里故實輒手錄成
帙已而以上公書殿之崇兼元老壯
猷之任望侔旦奭世係安危尚肯

志序

二

於一石在珠玑玉版邊為葉閉不朽
了予墨客知隄塵生活難其先
後體裁大小意義援贖補漏提
要鉤玄彙為志十四精為方域至
侯事一條分縷析無不采百氏之

藉成一家之言因而想見投壺雅
歌綸中羽扇氣象區區磨墨盾
鼻州檄愈頭曷足以云難公自登
第天性善之色荒不遺即所著職
官旁及人物一咀英前代茹華

志序

三

本朝每隻字陽秋生氣水鏡印
侯吏如春承乏庖俎乘二十年於
茲亦獲以斗筭伎倆備籠牧豎
夾袋難凡此誌難在他人公獨
易自是高陽八寸向以明允篤誠

苞孕道脉之墟得公益光而猶不
棄封菲屬春為之叙曰稽古顛
頊毓茅出薊特角瀛海股肱北平
是志輿地彈丸一閃閱幾因革定
中作室經始落成是志建置往

志序

四

昔周宋竭蹶防邊今依日月目不
知兵然而戊己庫成以來北虜內犯
劉齊潢美猶幸唐宋來范陽府
衛兵強壯弓箭社可作榜樣是志
兵政邑故甌脫地瘠民貧所賴長

人任力闢土諸凡常平社倉旱澇
有備自是踐更藉手石壕息譟
是志食貨兵食足矣自古無泛不
治有法無人不治矧夫祥鳶祥羊
富教互異其他展采競爽刀解是

志序

五

志職官名宦、得人士類于喁倍
單飲羊氣必反豹次第以及子
侯威晚武勲崇延賞或在高伏
蒲是志選舉人物侯藉氏望獻
微景鑠國典攸闕矧夫青湘淵源

素業衣鉢厥有鉅公名流毫揮
珠玉卓辭斷簡逸在山澤摠皆
裨益博聞光華地紀是志執文
遺文春秋觀象洪範公應何代
無堯水湯旱資以眡傲惕衷是

志序

六

志機祥齊諧語恠名理不廢矧
夫玄之空靈威宜夜禪官叢談
史乘碑金錐浮沉織鉅不侔而
滄業舟壑互見是志僊釋寺觀
翰墨丘墓佚事要惟邑志向在茲

廢者創於公自古迄今聞人器業
不乏未有將相並擅者將相並擅
僅見於公試屈指軍興七載賊平
無期自公以揆席行邊榆關一切
修攘謀隱帷幄功垂


志序

七

社稷不日燕喜受祉可跂見焉而
摠合為邑乘之盛生輝元凱千
古詎偶然哉爰綴末簡質之唐
侯以進於公而且自信不阿
天啟四年歲在甲子孟冬吉日

賜同進士出身亞中大夫光祿寺

卿前知高陽縣事以蘭陵錢春撰



志序

八

物

高陽在左

唯氣中 頤頤瓦 歸夜地也 伏不隸

至矣

皇祖乃完 厥於保完 百里之內 城野

夙指風土 吏僕氏情 亦籍而後

墟致其以 國之成 亦付之 萃者萃

經產且及